

**J.U. PSIHIJATRIJSKA BOLNICA
KANTONA SARAJEVO**

**P R A V I L N I K
O UNUTRAŠNJEM NADZORU**

Sarajevo, APRIL 2003.godine

Na osnovu člana 135. Stav 2. Zakona o zdravstvenoj zaštiti ("Sl. FBiH" br. 29/97) i člana 43. Statuta J.U. Psihijatrijska bolnica Kantona Sarajevo. Upravni odbor na sjednici održanoj dana 15.04. 2003.godine. d o n o s i:

P R A V I L N I K O UNUTRAŠNJEM NADZORU

I - OSNOVNE ODREDBE

Član 1.

Ovim Pravilnikom uređuje se organizacija i sprovođenje unutrašnjeg nadzora u J.U. Psihijatrijska bolnica Kantona Sarajevo (u daljem tekstu : Bolnica) u cilju unapređivanja i poboljšanja kvaliteta stručnog rada, a naročito način i rokovi vršenja nadzora, stručnu spremu zdravstvenog radnika koji obavlja nadzor i dinamiku obavljanja nadzora.

Član 2.

Bolnica će kontinuirano i u skladu sa ovim Pravilnikom provoditi unutrašnji nadzor nad stručnim radom svih odjeljenja i zdravstvenih radnika.

II - NADZOR NAD STRUČNIM RADOM BOLNICE

Član 3.

Za stručni rad Bolnice, odgovoran je direktor Bolnice.

Član 4.

Uvid , praćenje i nadzor nad stručnim radom odjeljenja Bolnice vrši direktor Bolnice, šefovi odjeljenja ,stručno vijeće Bolnice i glavni medicinar Bolnice svako u okviru i u obimu svojih nadležnosti, kroz svakodnevni rad i aktivnosti.

Član 5.

Nadzor nad stručnim radom Bolnice vrši se kontinuiranim praćenjem registrovane djelatnosti, koja se obavlja na odjeljenjima.

Nadzor iz stava 1. ovog člana sprovodi se neposrednim praćenjem i uvidom naročito u:

- organizovanje djelatnosti u Bolnici u odnosu na zakonske i druge propise i opšte akte Bolnice.
- primjenu savremenih medicinskih postupaka i tehnologija.
- pružanja zdravstvenih usluga prema korisnicima usluga.
- stanje prostora i opreme, kadrova i drugih uslova za osiguranje kvalitetne, efikasne i racionalne zdravstvene usluge.
- edukaciju zdravstvenih radnika i ovladavanje savremenim medicinskim saznanjima i tehnologijama.

Član 6.

Direktor Bolnice izvještava Upravni odbor bolnice o stručnom radu bolnice, najmanje jedanput godišnje u okviru godišnjeg izvještaja o radu, a po potrebi, odnosno po zahtjevu Upravnog odbora, i češće.

III – NADZOR NAD STRUČNIM RADOM ZDRAVSTVENIH RADNIKA

Član 7.

Za stručni rad zdravstvenih radnika na odjeljenju odgovorni su šefovi odjeljenja.

Član 8.

Nadzor nad stručnim radom zdravstvenih radnika odjeljenja - obavlja šef odjeljenja. Šef odjeljenja može za praćenje odnosno obavljanje nadzora nad stručnim radom zdravstvenih radnika Bolnice imenovati i istaknutog zdravstvenog radnika ili tim zdravstvenih radnika koji imaju specijalizaciju iz okvira specijalnosti kojom se bavi Bolnica i radno iskustvo najmanje 5 godina na poslovima ljekara specijaliste.

Član 9.

Šef odjeljenja koji obavlja stručni nadzor nad radom zdravstvenih radnika na odjeljenju mora ispunjavati sljedeće uslove:

- 5 godina radnog iskustva na poslovima i radnim zadacima specijaliste neuropsihijatra u Bolnici.

Član 10.

Nadzor nad stručnim radom zdravstvenih radnika vrši se tokom procesa rada, kontinuirano, neposrednim uvidom u rad i način pružanja zdravstvenih usluga i ocjenom kvaliteta pružene usluge, kao i uvidom u medicinsku dokumentaciju.

Član 11.

Ovlaštena lica iz člana 8.ovog Pravilnika, najmanje jedanput u tri mjeseca, metodom slučajnog izbora, obavezni su za najmanje 10% od ukupnog broja zaposlenih zdravstvenih radnika na odjeljenju obaviti provjeru i ocjenu medicinske dokumentacije i pismeno evidentirati nađeno stanje.

Član 12.

Pored svakodnevnog nadzora, nadzor nad stručnim radom obavlja se i edukacijom kadra na sljedeći način:

- organizovanjem predavanja u Bolnici za edukaciju zdravstvenih radnika.
- omogućavanjem prisustva na kongresima, seminarima i predavanjima radi usavršavanja za rad.

Član 13.

Zdravstveni nadzor u Bolnici obavlja se i:

- sanitarnim pregledom zdravstvenih radnika jedanput godišnje.
- sanitarnim pregledom zaposlenika Bolnice koji dolaze u dodir sa hranom svakih 6 mjeseci (kuharice, servirke i magaciner Bolnice).
- vršenjem dezinfekcije i deratizacije svakih 6 mjeseci.

Član 14.

Za čuvanje i rok važenja lijekova u bolničkoj apoteci. odgovoran je apotekar Bolnice.

Član 15.

Za vršenje i obavljanje kontrole u smislu člana 13.ovog Pravilnika odgovoran je glavni medicinar Bolnice.

Član 16.

Nepoštivanje odredbi ovog Pravilnika predstavlja povredu radnih obaveza i neispunjavanje obaveza iz ugovora o radu.

Član 17.

Ovaj Pravilnik stupa na snagu danom donošenja.

